




**Subsidi petrol RM30 dan
RM12 sebulan dilaksana
1 Januari 2020 »2**



RM30 kereta, motosikal RM12 setiap bulan bagi ringankan beban penerima BSH 2.9 juta dapat subsidi petrol

Oleh MUHAMMAD AYMAN GHAFFA

PUTRAJAYA - Mulai 1 Januari tahun depan, seramai 2.9 juta penerima Bantuan Sara Hidup (BSH) akan menikmati Program Subsidi Petrol (PSP) sebanyak RM30 bagi kereta dan motosikal RM12 setiap bulan. Serentak dengan pelaksanaan PSP, kerajaan akan mengapungkan semula harga runcit petrol RON95 bermula awal tahun hadapan.

Menteri Perdagangan Dalam Negeri dan Hal Ehwal Pengguna, Datuk Seri Saifuddin Nasution Ismail berkata, bantuan secara tunai menerusi program itu akan dikreditkan terus ke dalam akaun penerima bagi setiap empat bulan sekali.

Menurutnya, kriteria penerima PSP adalah merupakan penerima Bantuan Sara Hidup (BSH) di Semenanjung Malaysia yang memiliki kenderaan atas nama sendiri dan cukai jalan yang sah.

"Kita menganggarkan anggaran bagi pelaksanaan PSP sebanyak RM65.4 juta sebulan.

"Program ini merupakan satu bentuk bantuan kewangan untuk membantu rakyat membiayai sebahagian kos penggunaan petrol," katanya pada sidang akhbar khas PSP di sini semalam.

Penerima BSH adalah mereka yang berpendapatan bulanan isi rumah RM4,000 dan ke bawah.

Saifuddin Nasution menjelaskan, prinsip bantuan yang disampaikan oleh kerajaan adalah melalui pengagihan semula subsidi yang sama dan dasar berpandukan data asas daripada Jabatan Pengangkutan Jalan dan BSH.

"Subsidi petrol sedia ada secara orang tanpa mengira kerakyatan dan pendapatan akan diubah ke pada golongan sasar yang layak," ujarnya.

Bagi rakyat di Sabah, Sarawak dan Labuan pula, Saifuddin Nasution berkata, mereka akan menikmati subsidi petrol secara pukal pada harga runcit semasa RM2.08 seliter setelah kerajaan mengambil kira keperluan mereka yang kebanyakannya menggunakan kenderaan berkapasiti enjin besar dan diesel.

"Oleh itu, rakyat Sabah, Sarawak dan Labuan dikecuali

Apa kata mereka

|| NILAI bantuan sangat kecil. sedangkan kerjaya saya sebagai pemandu kereta e-hailing sepenuh masa memerlukan sekurang-kurangnya RM30 sehari

MUHAMMAD AKMAL AMINUDDIN, 27
Pemandu kenderaan e-Hailing



|| PSP dapat membantu menjimatkan perbelanjaan kos petrol yang terpaksa ditanggung pengguna jalan raya terutama mereka berpendapatan rendah

SURIYANTI SAFIAN, 40
Kakitangan awam



|| PEMBERIAN PSP tidak cukup untuk menampung kos petrol motosikal saya untuk ulang-alik kerja dari Gombak ke ibu kota selama seminggu

MUHAMMAD HIJAL ABU BAKAR, 29
Penyelia sebuah syarikat



|| Harap kerajaan dapat memperluaskan golongan yang akan dapat menerima subsidi petrol selain daripada penerima Bantuan Sara Hidup

YUSRI ALI, 37
Pekerja swasta



HARI : SELASA
TARIKH : 8/10/2019
M/SURAT : 2



SAIFUDDIN NASUTION memberi penerangan mengenai Program Subsidi Petrol pada sidang akhbar khas di Dewan Serbaguna kementeriannya di Putrajaya semalam.



SEBANYAK 2.9 juta penerima akan dapat manfaat subsidi petrol di bawah PSP yang akan dilaksanakan 1 Januari 2020. – Gambar hiasan

daripada pelaksanaan PSP dan pengapungan harga jualan runcit petrol RON95," katanya.

Ditanya sama ada golongan M40 (berpendapatan sederhana RM3,860 hingga RM8,319) akan turut dimasukkan sebagai penerima PSP di masa akan datang, beliau memberitahu, "Jika ditanya apa dalam pemikiran, saya ingin memperluaskan PSP kepada M40. Saya akan mengutarakan perkara ini dalam mesyuarat Kabinet akan datang."

Maklumat lanjut mengenai PSP, layari laman web psp.kpdnhep.gov.my dan semakan kelayakan boleh dibuat bermula 1 Disember depan.

Kadar subsidi

- Motosikal RM12 setiap bulan
- Kereta RM30 setiap bulan

Kriteria

- Penerima Bantuan Sara Hidup
- Motosikal 150cc dan ke bawah
- Motosikal melebihi 150cc berusia tujuh tahun dan ke atas
- Kereta 1,600cc dan ke bawah
- Kereta melebihi 1,600cc berusia 10 tahun dan ke atas

Bayaran

- Setiap empat bulan sekali dan dikreditkan ke dalam akaun penerima

Contoh pengiraan petrol kereta kompak 1.3cc

- Jarak dari Chan Sow Lin, Kuala Lumpur ke Beranang, Selangor (114km dua hala)
- 5.7 liter diperlukan bagi perjalanan 114km
- Harga petrol apung RM2.08 X 5.7 liter X 30 hari = RM355.68
- Harga tidak apung RM2.53 (contoh) X 5.7 liter X 30 hari = RM432.63
- Perbezaan harga RM76.95 sebulan